

## Հ Ա Յ Տ Ա Ր Ա Ր ՈՒ Թ Յ ՈՒ Ն

### Բարձրագույն կրթության և գիտության կոմիտեի (այսուհետ՝ Կոմիտե) հանրային կապերի և տեղեկատվության բաժնում (այսուհետ՝ Բաժին) փորձագետ ներգրավելու մասին

#### Աշխատանքի համառոտ նկարագիրը

1) նոր ստեղծվելիք կայքի կառուցվածքի, բովանդակության, ոճի, ձևավորման և գործառույթների վերաբերյալ առաջարկների ամփոփում և վերջիններիս տեխնիկական լուծումների ներդրում՝ wordpress հարթակի հնարավորությունների միջոցով,

2) գործող կայքի վարման, տեղեկատվական նյութերի ստեղծման, թարգմանության և կայքում տեղադրման աշխատանքներին մասնակցություն, այդ թվում՝ արհեստական բանականության գործիքակազմի կիրառությամբ,

3) բարձրագույն կրթության և գիտության ոլորտում իրականացրած բարեփոխումների պատշաճ բազմալեզու լուսաբանում՝ համապատասխան տեղեկատվական նյութերի պատրաստման, թարգմանության և տարածման միջոցով,

4) գիտական նախագծերի աջակցության մրցույթների հրավերների փաթեթների անգլերեն տարբերակի մշակում, ինչպես նաև մրցույթների վերաբերյալ տեղեկատվական նյութերի պատրաստում և վիզուալ ձևավորում գրաֆիկական ծրագրաշարերով (Figma, Adobe Photoshop, Adobe Lightroom),

5) ) ««Հայաստանի Հանրապետության կրթության մինչև 2030 թվականի զարգացման պետական ծրագիրը» հաստատելու մասին» օրենքով հաստատված՝ օտարերկրյա ուսանողների թվի ավելացմանը և աշխարհագրության ընդլայնմանն ուղղված միջոցառումներին աջակցության նպատակով՝ «Ուսումնառություն և հետազոտություններ Հայաստանում» (Study and Research in Armenia) օտարալեզու հարթակի վարում (ռուսերեն և անգլերեն) Կոմիտեի նորաստեղծ կայքում՝ համապատասխան տեղեկատվական բովանդակության ստեղծմամբ և գրաֆիկական ձևավորմամբ,

6) զանգվածային լրատվության միջոցներում և սոցիալական ցանցերում կոմիտեի գործունեության ոլորտին առնչվող հրապարակված նյութերի հավաքագրում և վերլուծություն, այդ թվում՝ մասնագիտական ծրագրային ապահովման կիրառությամբ:

#### Փորձագետին ներկայացվող պահանջները

1. Բարձրագույն կրթություն՝ հումանիտար կամ հասարակական գիտությունների ոլորտում,

2. օտար լեզուների (ռուսերեն և անգլերեն) գերազանց իմացություն,

3. տեղեկատվական և ստեղծարար տեքստեր գրելու հմտություն,

4. համակարգչով և ժամանակակից այլ տեխնիկական միջոցներով ու ծրագրաշարերով աշխատելու ունակություն,

5. գրաֆիկական դիզայնի և կայքի տեխնիկական սպասարկման նախնական գիտելիքներ,

6. «Ձանգվածային լրատվության մասին», «Տեղեկատվության ազատության մասին» օրենքների, Հայաստանի Հանրապետության կառավարության 2013 թվականի դեկտեմբերի

26-ի «Ինտերնետ ցանցում պետական մարմինների պաշտոնական կայքերին ներկայացվող նվազագույն պահանջները հաստատելու մասին» N 1521-Ն որոշման և իր գործառույթների իրականացման ապահովման համար անհրաժեշտ իրավական այլ ակտերի իմացություն:

### **Փորձագետ ներգրավելու ժամկետը**

Փորձագետը ներգրավվում է մեկ տարի ժամկետով:

### **Փորձագետի պարտականությունները**

- 1) բարեխղճորեն կատարել ստանձնած աշխատանքները,
- 2) սահմանված ժամկետներում կազմել և ներկայացնել կատարված աշխատանքների մասին հաշվետվություն,
- 3) պահպանել Կոմիտեի ներքին կարգապահական կանոնները, աշխատանքային կարգապահությունը,
- 4) պահպանել աշխատանքի պաշտպանության և անվտանգության ապահովման միջոցները,
- 5) իրականացնել աշխատանքային օրենսդրությամբ, «Հանրային ծառայության մասին» ՀՀ օրենքով և աշխատանքային պայմանագրով իրեն վերապահված այլ պարտականություններ:

### **Ներկայացվող փաստաթղթերի ցանկը**

1. լուսանկար 1 հատ (3x4 չափի),
2. դիմում (ծևը կցվում է),
3. անձնագիր (<Ծ համարանիշ),
4. դիպլոմ (դիպլոմներ),
5. աշխատանքային գործունեությունը հավաստող փաստաթուղթ,
6. զինվորական գրքույկ (առկայության դեպքում),
7. հայտարարություն ՀՀ կառավարության 2018 թվականի օգոստոսի 2-ի N 878-Ն որոշման հավելվածի 13-րդ կետով նախատեսված սահմանափակումների բացակայության մասին (ծևը կցվում է),
8. ինքնակենսագրություն:

Փորձագետի ընտրությունը կկատարվի դիմում ներկայացրած քաղաքացիների փաստաթղթերի ուսումնասիրության արդյունքում:

Քաղաքացիները փաստաթղթերը ներկայացնում են անձամբ յուրաքանչյուր օր ժամը 09:30-ից մինչև 12:30-ը (ք. Երևան, Օրբելի եղբայրների 22, 7-րդ հարկ, 703 սենյակ, Անձնակազմի կառավարման բաժին):

Լրացուցիչ տեղեկությունների համար կարող եք զանգահարել Կոմիտեի անձնակազմի կառավարման բաժին (+374 10) 210140 (ներքին՝ 107) հեռախոսահամարով:

Փաստաթղթերի ներկայացման վերջնաժամկետն է 2024 թվականի օգոստոսի 27-ը: